



საქართველოს მთავრობის დადგენილება

N 256 2020 წლის 22 აპრილი ქ. თბილისი

„საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სისტემაში საჯარო სერვისებისა და ადმინისტრაციული საქმისწარმოების განხორციელების განსხვავებული წესების დადგენის შესახებ“ საქართველოს მთავრობის 2020 წლის 23 მარტის №184 დადგენილებაში ცვლილების შეტანის თაობაზე

მუხლი 1. „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სისტემაში საჯარო სერვისებისა და ადმინისტრაციული საქმისწარმოების განხორციელების განსხვავებული წესების დადგენის შესახებ“ საქართველოს მთავრობის 2020 წლის 23 მარტის №184 დადგენილებაში (www.matsne.gov.ge; 23/03/2020; 120160030.10.003.021896) შეტანილ იქნეს ცვლილება და:

1. მე-2 მუხლს დაემატოს შემდეგი შინაარსის მე-14 პუნქტი:

„14. ამ მუხლით განსაზღვრული ღონისძიებების აღსრულების მიზნით, შპს „აკადემიკოს ნიკოლოზ ყიფშიძის სახელობის ცენტრალურმა საუნივერსიტეტო კლინიკამ“ (ს/კ: 205165453) არსებული ლიცენზიის/ნებართვის საფუძველზე უზრუნველყოს №43.10.42.174 მიწის (უძრავი ქონების) საკადასტრო კოდზე (მისამართი: ზუგდიდის მუნიციპალიტეტი, სოფელი რუხი) რეგისტრირებული მიწის ნაკვეთის (მასზე განთავსებული/დამაგრებული შენობა-ნაგებობის ჩათვლით) გამოყენება ახალი კორონავირუსით (SARS-CoV-2-ით) გამოწვეული ინფექციის (COVID-19-ის) სამართავად. ამ პუნქტის მიზნებისათვის შპს „აკადემიკოს ნიკოლოზ ყიფშიძის სახელობის ცენტრალური საუნივერსიტეტო კლინიკა“ უფლებამოსილია, გამოიყენოს მის ბალანსზე არსებული აქტივები, ძირითადი საშუალებები და სხვა რესურსი.“.

2. დადგენილებით დამტკიცებული დანართ №1-ის მე-15 პოზიცია და მომდევნო პირველი პოზიცია ჩამოყალიბდეს შემდეგი რედაქციით:

”

15	სამეგრელო-ზემო სვანეთი	რუხი	205165453	შპს „აკადემიკოს ნიკოლოზ ყიფშიძის სახელობის ცენტრალური საუნივერსიტეტო კლინიკა“	სოფელი რუხი	ჩაერთვება უძრავ ქონებასთან დაკავშირებით სამინისტროსთან ხელშეკრულების გაფორმებისთანავე	
----	------------------------	------	-----------	---	-------------	---	--

1	აჭარა	ბათუმი	245428880	შპს „ქ. ბათუმის რესპუბლიკური კლინიკური საავადმყოფო“	ქალაქი ბათუმი, პუშკინის ქ. №164/	ჩაერთვება შესაბამისი ქონების სარგებლობის ხელშეკრულების	
---	-------	--------	-----------	---	----------------------------------	--	--

					ტბელ აბუსერიძის ქ. №2	დადგენილი წესით გაფორმებისთანავე“	
--	--	--	--	--	-----------------------------	--------------------------------------	--

..

მუხლი 2

1. დაევალოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს №43.10.42.174 მიწის (უძრავი ქონების) საკადასტრო კოდით რეგისტრირებული მიწის ნაკვეთის (მასზე განთავსებული/დამაგრებული შენობა-ნაგებობის გათვალისწინებით) მხარეთა შორის შეთანხმებული ვადით ახალი კორონავირუსით (SARS-CoV-2-ით) გამოწვეული ინფექციის (COVID-19-ის) მართვის მიზნით შპს „აკადემიკოს ნიკოლოზ ყიფშიძის სახელობის ცენტრალური საუნივერსიტეტო კლინიკისათვის“ უსასყიდლო უზუფრუქტის ფორმით გადაცემა.

2. ეთხოვოს აჭარის ა/რ მთავრობას, უზრუნველყოს შპს „ქ. ბათუმის რესპუბლიკური კლინიკური საავადმყოფოს“ (ს/კ: 245428880) მიერ ქ. ბათუმში, ტბელ აბუსერიძის ქ. №2-ში მდებარე ქონების (მიწის (უძრავი ქონების) საკადასტრო კოდი: №05.27.09.011) გამოყენების მიზნით საჭირო ღონისძიებების გატარება, „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სისტემაში საჯარო სერვისებისა და ადმინისტრაციული საქმისწარმოების განხორციელების განსხვავებული წესების დადგენის შესახებ“ საქართველოს მთავრობის 2020 წლის 23 მარტის №184 დადგენილების შესრულების უზრუნველსაყოფად. ამასთანავე, შპს „ქ. ბათუმის რესპუბლიკურ კლინიკურ საავადმყოფოს“ მიეცეს უფლება, მითითებულ მისამართზე საქმიანობა აწარმოოს არსებული ლიცენზიის/ნებართვის საფუძველზე.

მუხლი 3. დადგენილება ამოქმედდეს გამოქვეყნებისთანავე; დადგენილების პირველი მუხლის პირველი პუნქტისა და მე-2 მუხლის პირველი პუნქტის მოქმედება გავრცელდეს 2020 წლის 5 აპრილიდან წარმოშობილ ურთიერთობებზე, ხოლო დადგენილების მე-2 მუხლის მე-2 პუნქტის მოქმედება გავრცელდეს 2020 წლის 14 აპრილიდან წარმოშობილ ურთიერთობებზე.

პრემიერ-მინისტრი

A handwritten signature in black ink is written over a blue circular official stamp. The stamp contains the text "საგარეო" (Foreign) at the top, "№1" in the center, and "მედი" (Media) at the bottom.

გიორგი გახარია